

Band XI., Nr. 5307, Seite 287

*Hug und Albert von Altensteig verkaufen den Wald Weißenhalden an
Kloster Reuthin.*

Ohne Ortsangabe, 1299. Juli 8.

Allen den sol kunt sin, die disen brief sehent alder hoerent lesen, daz ihc Hug und Alber hern Hugus sūn von Althenstaig haben ze kopfen gegeben Wizenhaldun von dem dail als ez vor getailt wart biz an Bernegger staig den vrowan von Rūthi umb driu und zwainzeg pfund Haller in allem dem reht, als ez unser vatter hat gehebt und braht biz an uns, und verzihen uns dar umb gaisliches gerihtes und weltliches. Wir verjehen ohc, daz wir daz stetegan suln und vertegan von allen unseren erban also, daz wir und unser erben die vor genanten vrowa niemer geirren suln nohc niemer kain ansprach suln gwinnen an den vor genanten walt ez si holz alder boden clain alder groz, und ist diz allez geschehen mit unsers herren hant grave Burchartes von Hohenberk, der sin insigel hat geleit an disen gegenwertigen brief durhc unser bet ze ainer steti und ze ainem urkund allen den daz wizen wellen, daz hie vor gescriben stat. So han ohc ihc der vor genant Hug disen brief gevestenat mit minem insigel, so vergih ihc der vor genant Alber, daz ihc mihc aller ansprach han verzihen umb den vor genanten kof und uf han gegeben das selbe gūt under mins herren und mins brūder insigel, wand ihc selb kain aigen insigel han. Dirre red sind gezūg: her Dietrihc von Haiterbahc, her H. der cappelan von Rūthi, Peter der sriber, Billunk, Lūp, Wern der schulthaiz, Luzze der Spiler burger von Wilperk und Ber. der Anderer.

 Diz geschahc do von gottez gebūrt warn zwelf hundert jar nūnzeg jar und nūn jar, an sant Kilians tag.

Textabdruck folgt dem Original.

 Siegel 1) Graf Burkhardts von Hohenberg, s. WUB, Bd. VII, S. 331, Nr. 2453. 2) Hugos von Altensteig, s. WUB, Bd. XI, S. 99, Nr. 5075.

Überlieferung und Publikationen

Lagerort:

HStA Stuttgart

Signatur/Titel des Originals:

A 517 U 242

Editionen:

Schmid: Monumenta Hohenbergica, S. 139.

Weitere Angaben

Sprache:

Deutsch

Ausstellungsort:

Ohne Ortsangabe

Aussteller:

Hug; von Altensteig Albert; von Altensteig

Ortsindex:

Altensteig Wohnplatz (6746)
 Altensteig, CW
 Berneck Wohnplatz (6750)
 Berneck, Altensteig, CW
 Haiterbach Wohnplatz (6822)
 Haiterbach, CW
 Hohenberg Wüstung (26307)
 Hohenberg, Schömberg, BL, W
 Reuthin Wohnplatz (6957)
 Reuthin, Wildberg, CW
 Wildberg Wohnplatz (6963)
 Wildberg, CW